

## Yannik Flepp seprepara per Shanghai

Denter las 42 giuvnas e giuvens campiuns da differentas clamadas che serendan en in onn a Shanghai al campinadi mundial World Skills sesanfla era il Tuatschin *Yannik Flepp*. Igl electroinstallatur da Sedrun ei vegnius campion svizzer avon dus onns en sia sparta dils indrezs electricis ed ei lu sequalificaus per ils campinadis mundials. L'equipa naziunala da Swiss Skills seprepara duront ils proxims 12 meins intensivamein per il campinadi mundial. Ils participonts svizzers al campinadi ein denter 18 e 22 onns e han absolviu cun success in emprendissadi. Entochen ussa ein 40 participonts (32 umens ed 8 dunnas da 15 differents cantuns) dalla equipa svizra enconuschents. Sulettamein ils installaturs sanitars e da scaldament han aunc da nominar lur participonts. Serecumandai per l'equipa naziunala e per il campinadis mundials ein las meglieras forzas giuvnas da differentas clamadas. Ellas ein vegnidas selecziunadas a caschun dils campinadis svizzers e per part entras qualificaziuns internas dallas federaziuns professiunalas (fmr/ac).